



Mme Angie Motsheka,  
Tonakgolo ya Thutotheo



Rre Enver Surty,  
Motlatsatonakgolo ya  
Thutotheo

Dibukatiro tse di kwaletswe barutwana ba Aforikaborwa ka fa tlase ga boeteledipele jwa ga Tonakgolo ya Lefapha la Thutotheo. Mme Angie Motshekga le Motlatsatonakgolo ya Lefapha la Thutotheo. Rre Enver Surty.


Dibukatiro tsa Rainbow ke karolo ya maiteko a mangwe a Lefapha la Thutotheo a a ikaletsweng go tokafatsa bokgoni jwa barutwana kgotsa baithuti ba Aforikaborwa mo mephatong e merataro ya ntlha. Jaaka e le sengwe sa dilo tse di kwa godimo mo Lenaneotirong la Mmuso, porojeke e e etleediwa ke Letlotlo la Semmuso. Se se kgontshitse Lefapha go kwala dibukatiro tse ka dipuo tsotlhe tsa semmuso, mme ga di duelewé.

Re solo fela gore dibukatiro tse di tlaa tswela barutabana mosola mo go ruteng ga bona ga letsatsi le letsatsi, le mo go netefatseng gore barutwana ba digela kharikhulamo ya bona. Re netefaditse gore re kaela morutabana sentle mo tirong nngwe le nngwe ka go tsenyeletsa mesupatsela go bontsha gore ke eng se morutwana a tshwanetseng go se dira.

Re solo fela gore bana ba tlaa itumelela go dira mo bukeng e fa ba ntse ba gola e bile ba ithuta, le gore wena jaaka morutabana, o tlaa abelana le bona boitumelo jwa bona.

Re go eleletsa katlego e kgolo mo tirisong ya dibukatiro tse, wena le barutwana ba gago.

ISBN 978-1-4315-0259-2



LIFE SKILLS IN SETSWANA  
GRADE 2 – BOOK 1  
TERMS 1&2

ISBN 978-1-4315-0259-2

THIS BOOK MAY  
NOT BE SOLD.

Dibukatiro tse di fithelwang mo metseletseng e. ke:

- Puotlaleletso ya Ntlha ya Setswana Mephato 1 – 3 (Ka dipuo tsotlhe tsa semmuso)
- Puotlaleletso ya Ntlha ya Setswana Mephato 4 – 6 (Ka Seesimane)
- Puogae ya Setswana Mephato 1 – 6 (Ka dipuo tsotlhe tsa semmuso)
- Matesisi (Mmetshe) Mephato 1 – 3 (Ka dipuo tsotlhe tsa semmuso)
- Matesisi (Mmetshe) Mephato 4 – 9 (Ka Seesimane le Seaforikanse)
- Bokgoni jwa Botshelo Mephato 1 – 3 (Ka dipuo tsotlhe tsa semmuso)

E thabolotswe e  
bile e tsamaelana  
le KPKT

Mophato

2



## Bokgoni jwa Botshelo ka SETSWANA

Buka 1 – Kgeditharo 1&2



Leina:

Tlelase:



**basic education**

Department:  
Basic Education  
REPUBLIC OF SOUTH AFRICA



## Diteng

### Kgweditharo 1 Tsebe

- 1 Re batla dijo tse di itekanetseng go tshela ..... 2
- 2 Metsi a re naya botshelo ..... 4
- 3 Re somarela metsi ..... 6
- 4 Mowa o o phepa o re naya maatla ..... 8
- 5 Nna le batho ba bangwe ..... 10
- 6 Batho ba ba re dikaganyeditseng ..... 12
- 7 Go dipisa ga go tlhole go batliwa ..... 14
- 8 Rotlhe re kgethegile ..... 16
- 9 Ka moo re ikutlwang ka teng .. 18
- 10 Batho ba ba nang le bogole ... 20
- 11 Bana botlhe ba kgethegile ..... 22
- 12 Mogaka wa me ..... 24
- 13 Phefafatso ya metsi ..... 26
- 14 Mokgwa o o itekanetseng wa botshelo ..... 28
- 15 Dikumo tse di senyegang le tse di sa senyegeng ..... 30
- 16 Malatsi a Sedumedi le a a kgethegileng ..... 32




Published by the Department of Basic Education  
222 Struben Street  
Pretoria  
South Africa  
© Department of Basic Education  
Fifth edition 2015

ISBN 978-1-4315-0259-2


This book may not be sold.

The Department of Basic Education has made every effort to trace copyright holders but if any have been inadvertently overlooked the Department will be pleased to make the necessary arrangements at the first opportunity.



### Kgweditharo 2 Tsebe

- 17 Ditolha ..... 34
- 18 Ditolha tse nne ..... 36
- 19 Ka ga ditlha ..... 38
- 20 Go aparea maemo a bosa ..... 40
- 21 Ditolha di go ama jang? ..... 42
- 22 Go jwala nawa ..... 44
- 23 Diphologolo tsa polasa ..... 46
- 24 Mo polaseng ..... 48
- 25 Diphologolo tse di tlhaga ..... 50
- 26 Diphologolo di iphitlha jang .... 52
- 27 Diphologolo tsa metsi ..... 54
- 28 Dibopiwa tsa botennye jwa metsi ..... 55
- 29 Botaki jwa diphologolo ..... 56
- 30 Diphologolo tse di sikarang dintlo tsa tsona ..... 58
- 31 Diphologolo tse di ikagelang dintlo ..... 60
- 32 Thanodi ya me ..... 62



## Matlha a botlhokwa a 2015

**Ferikgong**

1 Ferikgong Letsatsi la ngwaga o moswa

31 Ferikgong Letsatsi la bana aba ba senang magae

**Tlhakole**

2 Tlhakole Letsatsi la lefatshela dinaga tsa metsi

14 Tlhakole Letsatsi la baratani

**Mopitlwe**

5 Mopitlwe Phurimi

21 Mopitlwe Letsatsi la ditshwanelo tsa botho

21 Mopitlwe Letsatsi la boditshabatshaba la dikgwa le ditlhare

20-21 Mopitlwe Naw-Rúz (Bahá'í Ngwaga o moswa) \*

22 Mopitlwe Letsatsi la lefatshela metsi

28 Mopitlwe 20:30-21:30 (nako selegae) Ura ya lefatshela

**Moranang**

3 Moranang Labotlhano wa tidimalo

4-11 Moranang Tlhatlhogo

5 Moranang Paseka

6 Moranang Letsatsi la bamalapa

7 Moranang Letsatsi la Lefatshe la itekanelo

22 Moranang Letsatsi la bomme la boditshabatshaba

27 Moranang Letsatsi la Kgololosego

**Motsheganong**

1 Motsheganong Letsatsi la badiri

10 Motsheganong Letsatsi la bomme

15 Motsheganong Letsatsi la boditshabatshaba la bamalapa

**Seetebosigo**

1 Seetebosigo Letsatsi la lefatshela batsadi

4 Motsheganong Letsatsi la boditshabatshaba la bana

5 Seetebosigo Letsatsi la lefatshela tikologo

8 Seetebosigo Letsatsi la lefatshela Mawatle

12 Seetebosigo Letsatsi la lefatshela kgatlhanong le tiriso ya bana

16 Seetebosigo Letsatsi la baswa

18 Seetebosigo Ramadan (tshimologo)

21 Seetebosigo Letsatsi la borre

**Phukwi**

17 Phukwi Letsatsi la boditshabatshaba la ga Nelson Mandela

18 Phukwi Eid-Ul-Fitr (bokhutlo ba Ramadan)

30 Phukwi Letsatsi la boditshabatshaba la botsalano

**Phatwe**

9 Phatwe Letsatsi la bomme

13 Phatwe Letsatsi la boditshabatshaba la badiriseamolema

**Lwetse**

13-15 Lwetse Rosh Hashanah

21 Lwetse Letsatsi la boditshabatshaba la kagiso

23 Diphalane Yom Kippur

24 Lwetse Letsatsi langwaoboswa

**Diphalane**

2 Diphalane letsatsi la boditshabatshaba la kagiso

5 Diphalane Letsatsi la lefatshela batrutabana

11 Diphalane Letsatsi la boditshabatshaba la ngwana wa mosetsana

14 Diphalane Al-Hijira (Islamic Ngwaga o moswa)

15 Diphalane Letsatsi la boditshabatshaba la basadi ba kwa magaeng

16 Diphalane Letsatsi la lefatshela la dijo

**Ngwanaitseele**

11 Diphalane Deepavali (Diwali)

12 Diphalane Vikram (Ngwaga o moswa 2072)

20 Ngwanaitseele Letsatsi la bana la lefatshela

**Sedimonthole**

1 Sedimonthole Letsatsi la lefatshela Eitsi

3 Sedimonthole Letsatsi la boditshabatshaba la batho ba ba nang le dikgwetlo

5-14 Sedimonthole Chanukah


16 Sedimonthole Letsatsi la poelano

25 Sedimonthole Keresemose

26 Sedimonthole Letsatsi la ga Tinkane

# Mophato

2



Bokgoni jwa Botshelo  
ka *Setswana*  
Buka I



Buka e, ke ya ga:



# Re batla dijo tse di itekanetseng go tshela



A re buiseng

Mebele ya rona e batla dijo tse di itekanetseng gore re kgone go gola. Re tshwanetse go ja dijo dingwe go tswa mo ditlhopheng tsa dijo letsatsi le letsatsi. Re tshwanetse go ja dijo tse di itekanetseng gore re tle re nne le maatla a a lekaneng go dira sengwe le sengwe se re tshwanetseng go se dira. Fa re sa je dijo tse di itekanetseng, re ka lwala thata.

## Ditlhophha tse tlhano tsa dijo

Dithoro le  
dikumo tsa  
dithoro

Batho ba  
bangwe ba ja  
merogo fela. Se se  
kaya gore ga ba  
je nama epe. Ba ja  
bogolosegolo go tswa  
mo ditlhopheng tse  
4 tsa dijo.



Merogo le  
maungo




Nama,  
tlhapi, nama ya  
kgogo, matokomane  
le dinawa



Dikumo tsa mašwi

Mafura le dioli



A re direng

Bua le tsala ya gago ka ga gore ke dife tsa dijo  
tse, tse di itekanetseng. Di sekeletse.





A re kwaleng

Itire e kete o ya kwa  
marekisetsong le  
mmaago go ya go reka  
dijo tsa maitseboa.  
Direla balelapa la  
gaeno lenaneotheko la  
dijo tse di itekanetseng  
tse di ka jewang.



## LENANEOTHEKO



Teacher:
Sign:
Date:



# 2 Metsi a re naya botshelo


Kgweditharo I – Beke I – Papetlanatiro



A re bueng

Ke goreng re tlhoka metsi?

Batho, dijwalo le diphologolo di tlhoka metsi go tshela. Metsi a fetisetsa dijo tse re di jang kwa dikarolong tse di farologaneng tsa mebele ya rona. Gape a thusa mebele ya rona go ntsha maswe.



A re direng


Re dirisa metsi letsatsi le letsatsi mo magaeng a rona. Bolelala tsala ya gago dilo tsotlhе tse o kgonang go di akanya tse re di dirisang boemong jwa metsi. Morago o thale ditshwantsho di le 4 go bontsha gore re dirisa metsi jang. Kwala setlhogo fa godimo ga setshwantsho sengwe le sengwe go tlhalosa gore se bua ka ga eng.






## A re kwaleng

Re bona metsi kae? Thala mola go golaganya lefoko lengwe le lengwe le setshwantsho se se nepagetseng.



dikgakologo
lefetlho
noka
letamo
sediba sa go gelela



## A re tsamayeng

Pele o ka dira tirwana kwantle, ikotlolole jaaka katse. Seno se tlaa kgontsha mmele wa gago go tshikhinyega. Gape, o ikotlolole morago ga tirwana go repisa le go ikhutsisa mmele wa gago. Seno se tlaa go thusa gore o se nne le mesifa e e bothlhoko.

- Tloljaaka segwagwa. Dira medumo ya segwagwa.
- Latlhelelanang bolo kgotsa kgetsana ya dinawa mme le e kape.
- Morago o latlhele kgwele kgotsa kgetse ya dinawa kwa godimo o bo o e kapa.
- Tshegetsa kgetsana ya dinawa mo tlhogong ya gago mme o taboge le tsala ya gago. Bona gore o kgona go tshola kgetsana sebaka se se kanakang e sa we.



# Re somarela metsi



## A re bueng

Metsi a botlhokwa thata, ka jalo ga re a tshwanelo go tshameka ka ona. Bua le ditsala tsa gago ka ga mekgwa e e farologaneng e re ka somarelang metsi ka yona.



## A re kwaleng

Kwala dikakanyo di le pedi tsa go somarela metsi mo diphatlheng tse di fa tlase.



1.

---

2.

---




---



## A re direng

Dirisa dikheraeyone tsa gago go kgabisa phousetara e e buang ka ga go somarela metsi. Phousetara ya gago e rotloetse ba bangwe go somarela metsi. Morago ga go dira phousetara ya gago, e bontshe ditsala tsa gago.





A re tsamayeng

A re tshamekeng motshameko  
"Ke nako mang, Rre Phiri?"

Yo mongwe wa lona o tshwanetse go nna phiri.

Refosanang go botsa, "Ke nako mang, Rre Phiri?"

Nako nngwe le nngwe fa o botsa, phiri e  
tshwanetse go bua gore ke nako mang.

Mme fa phiri e re, "Nako ya dijotshegare", e tlaa  
simolola go go tebisa. Wena o tshwanetse go  
tshaba gore e se ka ya go tshwara.



Jaanong batla hupu mme o tshameke ka yona.

Wena le tsala ya gago le tshwanetse go refosanelo  
go sutlhha mo hupung, la ntlha o tsamaya ka maoto  
mme morago ka matsogo a gago.

Morago o emise hupu gore tsala ya gago e gagabe  
mo go yona. Refosanang go dira se.



La bofelo,  
Ka ditlhophha ts'a 4,  
ikatisetseng le bo le  
diragatsa mmino wa  
Seaforikaborwa.

Teacher:  
Sign:  
Date:

# Mowa o o phepa o re naya maatla



Tla re buise

Mowa o re o hemang o na le okosijene. E thusa mebele ya rona go dirisa dijо tse re di jang. Morago re bone maatla go tshela. Fa re hema mowa o o leswe, mebele ya rona ga e kgone go dira sentle.



Tla re kwale

Nna le tsala ya gago. Mmogo, tlatsang diphatlha tse di fa tlase:

Ke tlhoka mowa o o phepa gonne

---

Fa mowa o le leswe

---

Mowa o nna leswe fa

---

Se re ka se dirang go tshola mowa o le phepa:

1.

---

2.

---



### Tla re buise

Batho ba tlhoka lesedi la letsatsi go itumela le go nna ba itekanetse. Le thusa mebele ya rona go bona bithamini D. Re le tlhoka go bopa marapo a a maatlafetseng. Marang a letsatsi ka bontsi ga a a re siamela. Re ka tloga ra šwa botlhoko. O tshwanetse go dirisa sesepa sa letsatsi kgotsa hutshe ya letsatsi go sireletsa letlalo la gago kgatlhonong le letsatsi.



### Tla re kwale

Tlatsa diphatlha tse di fa tlase:



Nka kcona go bolokesega mo marananny a letsatsi a mantsi fa nka:

1. \_\_\_\_\_
2. \_\_\_\_\_
3. \_\_\_\_\_



### A re bueng

Opela pina e o bo o  
opela moribo diatla.



**O lesedi la me**



**Lesedi la me**

**O a intumedisa**

**Fa loapi lo le letala.**

**Ga o ka ke wa itse, moratiwa,**

**Gore ke go rata jang.**

**Tsweetswee, lo se ka lwa ntseela**

**Iesedi la me.**

O tshwanetse go dirisa  
sesepa sa letsatsi kgotsa  
hutshe ya letsatsi go  
sireletsa letlalo la gago  
kgatlhonong le letsatsi.



# Nna le batho ba bangwe



A re bueng

Rotlhe re rata go nna le  
ditsala tse di siameng.  
O itse jang gore motho  
mongwe ke tsala e e siameng?



A re kwaleng

Mo phatlheng e e fa tlase, dira lenaneo la dilo  
tse di dirang motho tsala e e siameng.



1.

\_\_\_\_\_

2.

\_\_\_\_\_

3.

\_\_\_\_\_

4.

\_\_\_\_\_



A re kwaleng

Akanya ka ga dipotso tse mme morago o kwale dikarabo tsa gago.

O na le ditsala di le kae?

Leina la tsala nngwe ya gago ya botlhokwa ke mang?

Le nnile ditsala sebaka se se kanakang?

Ke eng se se kgethegileng ka ga tsala e ya gago?



A re bueng

Dula le tsala ya gago mme le bue ka ga ditlhagiso tse. Tshwaya (✓) mo lebokosong fa di bua nnate, mme o thale sekere (✗) fa di sa bue nnate.

## Lenaneotekolo la botsalano

Tsenya ✓ kgotsa ✗

Tsala ya me e a nkgathalela.

Tsala ya me e a nthusa.

Tsala ya me e arogana dilo le nna.

Tsala ya me ga e lwe le nna.



A re direng

Akanya ka ga mongwe yo o ka mo bopang go dira gore tsala ya gago e ikutlw e kgethegile. Morago o thale setshwantsho ka ga sona mo foreimeng. Gakologelwa go ntlatfatsa foreimi ya setshwantsho. Fa o sena go dira se, bua ka ga mebala e e tsididi le le bolelo e o e dirisitseng mo setshwantshong sa gago.



A re kwaleng

Kwala dipolelo di le 2 ka ga setshwantsho sa gago.




# Batho ba ba re dikaganyeditseng



Are bueng

Lebelela ditshwantsho. Akanyang ka ga gore ditsala tse di siameng di dira eng, mme le bue ka ga tsala e e siameng mo setlhopheng sa lona. Jaanong akanya ka ga gore ditsala tse di bosula di dira eng. Tshwaya (✓) setshwantsho sengwe le sengwe go bontsha botsala jo bo siameng, mme o thale sekere (✗) go bontsha botsala jo bo bosula.









A re buiseng

Buisa nngwe le nngwe ya dipolelo mme morago o khalare  
sefatlhego sa "Ee" 😊 kgotsa sa "Nnyaya" 😞.



Ke tsala e e siameng.









Ke kgathalela  
ditsala tsa me.

Ke rata barutwana-ka-nna.

Barutwana-ka-nna ba a nthata.

Ke bonolo mo bathong  
ba ke tshelang  
le bona.



A re tshamekeng  
"Ema mo moriting wa me".

Wena le ditsala tsa gago le tshwanetse go gata  
mo godimo ga meriti ya yo mongwe le yo mongwe.  
Refosanelang go bona gore le kgon a go gata meriti e  
mekae. O ka nna wa tswelela go tsamaya gore tsala  
ya gago e se ka ya kgon a go gata moriti wa gago.



# Go dipisa ga go sa tlhole go batliwa



A re kwaleng

Lebelela sengwe le sengwe sa ditshwantsho.

O ne o ka dira eng fa o ne o le ngwana yo o dipisiwang?

Kwala polelo, fa thoko ga setshwantsho, e le nngwe ka ga ka moo re tshwanetseng go tsholana ka teng.




---



---



---



---




---



---



---



---



## A re direng

Dira ketsiso le tsala ya gago ka ga ngwana yo o dipisang ngwana yo mongwe. Morago o bue gore re ka dira eng go thibela go dipisa.





## A re ikatiseng

Ithulaganyeng ka ditlhophha tsa 5.

Morago le bope mola mme le amoganeng bolo le ntse le le mo moleng. Bonang gore ke setlhophha sefe se se kgonang go amogana bolo mo nakong e khutshwakhutshwane. Morago ga go dira jalo, lekang go amogana bolo ka mekgwa e e farologaneng.

- Fetisa bolo magareng ga maoto o e fetisetse kwa morutwaneng yo o kwa morago ga gago.
- Fetisa bolo kwa godimo ga tlhogo ya gago o e fetisetse kwa morutwaneng yo o kwa morago ga gago.
- Fetisetsa bolo kwa molemeng wa gago o e fetisetse kwa morutwaneng yo o kwa morago ga gago.
- Fetisetsa bolo kwa mojeng wa gago o e fetisetse kwa morutwaneng yo o kwa morago ga gago.
- Jaanong latlhelelanelang kgwele mme le bone gore le ka e kapa gakae.



Teacher:
Sign:
Date:

# Rotlhe re kgethegile



A re bueng

Lebelela ditshwantsho mme o bue ka moo bana ba ba tshwanang ka teng.  
Bua ka moo ba farologanang ka teng.





### A re buiseng

Dirang tiro e lo le mo ditlhopheng. Lebelela bana ba bangwe botlhe mo tlelaseng ya gago. Morago o buise nngwe le nngwe ya ditlhagiso tse di latelang (✓) (✗).

Tsenya ✓ kgotsa ✗

A basimane le basetsana ba a tshwana?

A mongwe le mongwe o na le moriri wa mmala o o tshwanang?

A mongwe le mongwe o na le matlho a mmala o o tshwanang?

A mongwe le mongwe o na le diatla tsa selekano se se tshwanang?

A barutwana botlhe ba bolele jo bo tshwanang?



### A re bueng

A o kgora go lemoga gore re a farologana rotlhe? A o kgora go lemoga gore re a tshwana rotlhe? Buang ka ga mekgwa e re tshwanang ka yona.



### A re kwaleng

Thala setshwantsho sa gago. Morago o dirise setshasamolomo go dira motlhala wa monwana o o itlhaoatseng fa thoko ga foreimi ya setshwantsho.



A o ne o itse gore ga go ope mo lefatsheng yo o nang le setshwano sa menwana ya gago? O itlhaoatseng e bile o kgethegile.



# Ka moo re ikutlwang ka teng



A re bueng

Buang ka ga ka moo lo ikutlwang ka teng fa lo diragalelwia ke sengwe se se siameng. Re bitsa se maikutlo. Tlatsa gore ba ikutlwajang.



A re kwaleng

Kwala dikarabo tsa dipotso tse di fa tlase.

Ke eng se se go thabisang?

Ke eng se se dirang gore o nne o tlhontse?


Ke eng se se go tshosang?

Ke eng se se go itumedisang?



## A re direng

Thala o bo o khalara keetane e ya botsalano. Leka go dira gore mpopo mongwe le mongwe o farologane, go bontsha gore rotlhe re a farologana e bile re itlhaoitse. Fa o sena go dira se o ka nna wa sega keetane ya botsalano go tswa mo tsebeng ya mesego mo bogareng jwa buka e. dira gore mpopo mongwe le mongwe o farologane mme e emise mo desekeng ya gago go go gakolola gore rotlhe re a farologana.



## A re ikatiseng

Dira mmele wa gago mogolo ka moo o ka kgonang.

Morago leka go dira mmele wa gago monnye ka moo o ka kgonang.

Jaanong leka go o dira moleele ka moo o ka kgonang.

La bofelo, leka go o dira mokhutshwane ka moo o ka kgonang.



Teacher:	<input type="text"/>
Sign:	<input type="text"/>
Date:	<input type="text"/>

# 10 Batho ba ba nang le bogole

Kgweditharo I – Beko 5 – Papetlanatiro



A re bueng

Lebelela ditshwantsho.

- O bona mefuta efe e e farologaneng ya bogole?
- Mongwe le mongwe wa bana ba o dirisa eng go ithusa?
- Ke mathata a mofuta mang a o akanyang gore bana ba ba na le ona mo matshelong a bona a letsatsi le letsatsi?
- Buang gore re ka ba thusa jang.



A re kwaleng

Lebelela ditshwantsho tse di fa tlase. Feleletsa dipolelo.

Rosemary ga a kgone go tsamaya.

O dirisa \_\_\_\_\_ go tsamaya.



Thabo o foufetse mme o dirisa \_\_\_\_\_ go bona tsela ya gagwe.

ntšwakaedi




setuloteti




sethusakutlo

Pitoro o susu.




Jabu ga a kgone go bua.

O dirisa \_\_\_\_\_  
go bua le batho.



Nomsa o dirisa \_\_\_\_\_ go  
mo thusa go tsamaya.



A re direng

Dirisa mmopanyana kgotsa  
mmopanyana o o tshamekisang go bopa  
kopi kgotsa nkgo ya lebolomo.



# Bana botlhe ba kgethegile



A re bueng

Bana ba ba farologana le wena jang?  
Ba tshwana jang?



A re buiseng

Batho lefatshe ka bopphara ba keteka meletlo ya malatsi a boikhutso a a kgethegileng.

*Rotlhe re rata go tshameka le go opela.*

*Rotlhe re tlhoka dijo go di ja.*

*Rotlhe re tshwanetse go ya sekolong.*

*Fa re lwala, rotlhe re tshwanetse go ya ngakeng.*

*Rotlhe re tshwanetse go nna phepa.*

*Ga re a patelesega go bereka.*

*Rotlhe re bana.*






## A re kwaleng

Botsa ditsala di le 3 dipotso tse. Tlatsa dikarabo tsa bona mo diphatlheng tse di fa tlase.

Tlatsa leina la tsala ya gago.			
Tumelo ya gago ke efe?			
Ke meletlo efe e e kgethegileng e le nang le yona?			
O ja eng?			
O apara diaparo dife tse di kgethegileng?			
O keteka meletlo jang?			



## A re direng

Lebelela setshwantsho.  
Ke mmepe wa lefatsho  
la rona. O kgona go  
bona gore lefatsho la  
rona le na le lefatsho  
le lewatle. Khalara  
lefatsho ka bohunou.  
Thala ditlhapi di le  
mmalwa mo lewatleng.



Teacher: \_\_\_\_\_  
Sign: \_\_\_\_\_  
Date: \_\_\_\_\_

# Mogaka wa me



A re bueng

Bua ka ga gore a go na le bana ba ba bogole mo sekolong sa lona.

Sekolo se ka dira eng go ba thusa fa ba le kwa sekolong?

A batho ba ba bogole ba ka nna bagaka?



A re buiseng

Bagaka bangwe ba na le bogole. Ke dikgantshwane tse re ka di salang morago. Mo Aforikaborwa go na le bagaka ba metshameko ba ba bogole. A o itse batho ba bangwe ba ba bogole ba e leng bagaka mo metshamekong?


Natalie du Toit o latlhegetswe ke karolo e e kwa tlase ya leoto la gagwe mo kotsing ya sethuuthuu. O tsamaya ka leoto la maitirelo mme o thuma ka leoto le le lengwe.



A re bueng

Bua ka ga batho ba ba nang le bogole ba ba dirang dilo tse di gakgamatsang.  
Akanya ka ga:

- Batho ba ba bofofu ba tshameka diletswa tsa mmino. A o itse sengwe fela?
- Batho ba ba susu ba kwala dipina. A o ka akanya ka sekao?





A re kwaleng

Mo diphatlheng tse di fa tlase, naya dintlha ka  
ga mogaka kgotsa sekgantshwane sa gago.

## Mogaka kgotsa sekgantshwane sa me ke:

Thala setshwantsho sa mogaka kgotsa mmomoratwa wa gago. Kwala mafoko a a o tlhalosang fa thoko ga setshwantsho sag ago. Dikao: botsalano, matlametlo, lerato, thusana.

O ka nna mogaka jang? Tlotlang ka ga dikakanyo wena le tsala ya gago.  
Jaanong kwala kgang eo mo go yona o nnang mogaka. Tlatsa fa tlase:

Letsatsi lengwe ke

Ka swetsa go

Ke

Ke ka fao ke nnileng mogaka.



# Phepafatso ya metsi



A re buiseng

Lebelela galase ya metsi.

A o kgora go bona sengwe mo go yona?

Nnyaya, o ka se kgone. Mme a o ne o itse gore nako nngwe go na le megare mo metsing? Megare e e mennye mme ga e bonwe ka matlho. Fa o ka nwa metsi ntle le go bolaya megare, o ka nna wa lwala thata. Gantsi re batla go netefatsa gore metsi a re a a nwang a phepa.



A re bueng

Buang ka ga gore go ka diragala eng fa re ka nwa metsi a maswe. Jaanong lebelelang ditshwantsho tse di fa tlase. Bua le tsala ya gago ka ga mekgwa e e farologaneng ya go phepafatsa metsi.



Tshela dipilisi tsa tlelorine mo metsing.



Bedisa metsi sebaka  
sa metsotso e le 5.



Tshela dikhemikhale.



Sefa metsi.



### A re bueng

Ke metsi afe a o akanyang gore a bolokesegile? Khalara marothodi a metsi ka mmala o o botala jwa legodimo fa o akanya gore go bolokesegile go a nwa.

Metsi a noka



Metsi a mosima o o ikepetsweng

Metsi a thepe



Metsi a a rekilweng a a mo lebotlolong

Metsi a lewatle



Metsi a a bedisitsweng mo ketleleng



### A re direng

Berekang ka ditlhophha mme le dire sefo ya metsi go phepafatsa metsi. Reetsang ka tlhoafalo fa morutabana wa lona a le tlhalosetsa gore le tshwanetse go dira eng.



### O tlaa tlhoka tse di latelang:

Lebotlolo la dilitara di le 2

Motlhaba o mosesane

Motlhaba o o matlapana

Matlapa a mannye

Sekere


Wulu



### A re kwaleng

Nomora dikgato tsa go dira sefo ya metsi ka tatelano e e siameng.

	Tshela motlhaba o mosesane mo godimo ga wulu.
	Kgonamisa lebotlolo
	Tshela motlhaba o o matlapana
	Ka kelotlhoko sega marago a lebotlolo la polasetiki.
	Tshela metsi a a diretse mo go yona
	Latlhela matlapa a mannye mo lebotlolong




# Mokgwa o o itekanetseng wa botshelo



A re buiseng

Buisa ka ga mongwe le mongwe wa mekgwa e e bosula le e e siameng. Fa o akanya gore ke mokgwa o o siameng, tshwaya (✓), mme fa o akanya gore ke mokgwa o o bosula thala sekere (✗).

Mekgwa	Siame	Bosula
Morutabana o thusa barutwana go buisa.	✓	✗
Ke ja dijo tse di itekanetseng.		
Ke latlha matlakala ka letlhhabaphefo la mmotorokara kgotsa thekesi.		
Ke tlhapa moriri ka dinako tsotlhhe.		
Ke ja dimonamone tse dintsii.		
Ke tshola dinala le ditsebe tsa me di le phepa.		
Ke tlhapa meno a me gangwe ka kgwedi.		
Ke sela matlakala mme ke a latlhele mo kgamelong ya matlakala.		
Ke tlhapa matsogo a me morago ga go ya kwa ntwanaboithusetsong.		
Fa ke gotlhola kgotsa ke ethimola, ke itshwara molomo ka seatla.		
Ke ikatisa gangwe le gape.		
Ke tlhapa diatla tsa me pele ke ja.		
Ke dula fa pele ga TV diura tse dintsii.		
Ke dula le bagolo ba ba tsubang.		



A re direng

Dira phousetara ka ga mokgwa o o siameng  
kgotsa mokgwa o o bosula.



A re kwaleng

Tthatlhoba phousetara. Buisa tlhagiso nngwe le nngwe, mme morago o  
tsenye sefatlhego se se nyenyang fa tlhagiso e le nnete, le sefatlhego se  
se tlhontseng fa tlhagiso e se nnete.



Phousetara ya me e ntle e bile e phepa.

Ke itumeletse go dira phousetara ya me.

Go ne go le thata go dira phousetara ya me.



A re ikatiseng

- O kgona go tlolela bokgakala jo bo kanakang? Dirisa dikarolo tse tharo tsa mogala. Di tlole. Tswelela go di kgaoganya go bona gore o ka tlolela bokgakala jo bo kanakang.
- Morago, kopa ditsala tsa gago tse pedi go dikolosa kgati gore o kgone go tlola.
- Refosanelang go tlola.



# Dikumo tse di senyegang le tse di sa senyegeng

Kgweditharo I – Beke 8 – Papetlanatiro



A re bueng



Buang ka ga dijo tse di batlang go tsholwa di tsidifetse gore di se ka tsa senyega. Swetsang gore ke dijo dife tse di sa batleng go tsholwa di tsidifetse, mme di batla go tsenngwa mo khabotong kgotsa segatsetsing. Segang ditshwantsho go tswa mo tsebeng ya tse di segilweng mme le di kgomaretse mo setsidifatsing kgotsa mo khabotong.





Buang ka ga mekgwa e re ka sireletsang dijo kgatlhanong  
le ditshenekegi di tshwana le dintsí le ditshoswane ka yona.



# 16 Malatsi a Sedumedi le a a kgethegileng



A re buiseng

Batho mo lefatsheng lotlhé ba keteka malatsi a boikhutso a a kgethegileng.  
Ke malatsi a boikhutso a a feng a o a ketekang?

Ka nako ya Keresemose re amogela dimpho. Gape re fa ditsala tsa rona le ba malapa a rona dimpho. Re na le setlhare sa Keresemose mo ntlong ya rona. Re baya dimpho ka fa tlase ga setlhare se. Re kgabisa setlhare mme re beye naledi kwa godimo. Ka nako ya Keresemose re ja dijo tse dintsi tse di siameng.



Re fela pelo gore Diwali e tla leng. E ke nako e re fiwang dimonamone le dimpho tse dintsi. Re paka dimonamone le dikuku tse di monate mo mabokosong mme re di neye batho ba ba re etelang. Re tshuba mabone a mannye mme re a beye



Re fela pelo gore Hanuka e tla leng. Re ya go ja dijo tse dintsi. Re rata go ja dipanekuku le didonatse. Gape re rata go amogela dimpho. Bontsalaaronba a re etela. Rotlhe re thusa ka go dira dijo mme re tshuba dikerese mo ntlong ya rona.

Gautshwane e tlaa bo e le Eidi. Ke solo fela gore re tlaa amogela dimpho tse dintle. Re tlaa fa le ditsala tsa rona dimpho. Re tlaa bo re ja dikuku le dimonamone tse dintsi. Re lemoga nako ya Eidi ka sebopego sa ngwedi. Eidi e nna ka matlha a a farologaneng ngwaga le ngwaga.



Opela pina e o e itseng  
ya lengwe la malatsi a a  
kgethegileng a.





A re bueng

# Ditlha

Lebelela ditshwantsho tsa ditlha tse nne. Bolelela tsala ya gago gore o bona eng mo setshwantshong sengwe le sengwe. Bua gore ditlha tse nne tse di farologana jang.



O rata setlha sefe thata? \_\_\_\_\_

Ke goreng o rata setlha se thata? \_\_\_\_\_

Letsatsi la gago la botsalo le mo setlheng sefe? \_\_\_\_\_




A re bueng

**Dumela, Rre Letsatsi!**

**Letsatsi la gago le sa tswa go tlhaba.**

**Ke batla go bona sefatlhego  
se se phatsimang.**

**Dumela, Rre Letsatsi.**



**Pula, pula tsamaya!**

**Bana ba bannye ba  
batla go tshameka.**

**Tlaya gape ka letsatsi le lengwe.**

**Tsamaya letsatsi le le lengwe fela.**



Teacher:
Sign:
Date:



# Ditlha tse nne

Sega ditshwantsho tsa ditlha go tswa mo go tsebe ya tse-di-segetsweng ruri e e kwa morago ga buka. Kgomaretsa setshwantsho sengwe le sengwe fa thoko ga leina la setlha se se nepagetseng.



**Seetebosigo**

**Phukwi**

**Phatwe**

**mariqa**

**Lwetse**

**Diphalane**

**Ngwanaitseele**

**dikgakologo**



# selemo

Sedimonthole

Ferikgong

Tlhakole



Mopitlwe

Moranang

Motsheganong

## lethabula



A re tsamayeng

Ikatise bokgoni jwa gago jwa bolo.

Tampisa bolo mo leboteng.

Tswelela go gata mo kamotshaneng fa o ntse o tampisa kgwele.


Jaanong taboga o ntse o tampisa bolo go dikologa molelo wa tsiboso.



# Ka ga ditlha



A re buiseng




## Selemo

Maemo a bosa a bothitho e bile go letsatsi.

Motshegare o moleele mme bosigo bo bokhutshwane.

Re kgona go itsidifatsa ka go thuma kgotsa ka go nna mo meriting.



## Letlhhabula

Maemo a bosa a a tsidifala.

Matlhare a simolola go swaba le go wela fa fatshe.

Dinonyane di fudugela kwa mafelong a a bothithwana.




## Mariga

Maemo a bosa a tsididi.

Mo mafelong a mangwe go na le segagane kgotsa semathane.

Motshegare o mokhutshwane mme bosigo bo boleele.

Diphologolo dingwe di robala mariga otlhé (di iphitlhá ka fa tlase ga mmu).




## Dikgakologo

Maemo a bosa a bothitho.

Dijwalo di simolola go tlhoga mme go mela ditshese le dikumo mo ditlhareng.

Dinonyane di simolola go aga dintlhaga le go beela mae.



A re bueng

Dijo tse di farologaneng di mela mo ditlheng tse di farologaneng. Lebelela dijo tseno tsa selemo le tsa mariga. Bolelala tsala ya gago gore o rata go ja eng fa go le mogote le fa go le tsididi.



Dijo tsa setlha  
sengwe le sengwe

Mariga





# Go aparela maemo a bosa

Kgwenditharo 2 – Beké 2 – Papetlanatiro



A re kwaleng

Thala mosimane le mosetsana. Mosimane o tshwanetse go apara diaparo tse di bothitho tsa mariga mme mosetsana o tshwanetse go apara diaparo tse di marutshwana tsa selemo.



Mosimane	Mosetsanana



A re tsamayeng

- Baya direng kana ditshipi tse di tshekeletsa fa fatshe kgotsa thala didiko mo motlhhabeng.
- Fa morutabana wa gago a re o tlole, o tlolele mo sedikong ka maoto oomabedi.
- Fa morutabana wa gago a re o tlole, o tlolele kwa ntle ga sediko ka leoto le le lengwe.
- Tshameka ampresekotše
- Dirisa tšhoko go thala didiko le dikwere fa fatshe.





A re bueng

Bolelala tsala ya gago gore re apara diaparo tsa mofuta mang mo setlheng sengwe le sengwe. Ke diaparo dife tse o ratang go di apara?



Thala mola go tswa mo tlhalosong ya diaparo tse re di  
aparang mo maemong a a bosa.

A re kwaleng

## Go aparela maemo a bosa.

Fa go le letsatsi re tshwanetse  
go rwala dihutshe go  
itshireletsa kgatlhanong  
le letsatsi.

Fa go le bothitho re  
tshwanetse go apara diaparo  
tse di botlhofo.

Fa go le tsididi kwa ntle re  
tshwanetse go apara diaparo  
tsa wulu.

Fa pula e na re tlhoka jase ya  
pula le mokgele.



# Ditlha di go ama jang?



A re buiseng



## Dikgakologo

Ka dikgakologo ditlhare di simolola go kukunya.

Re bona dinonyane tse dintsinyana le dinotshe le ditshese le matlhare a mašwa.

Dinonyane di aga dintlhaga e bile di beela mae.

Borapolasa ba kuta kana ba beola dinku.



## Selemo

Ka selemo borapolasa ba kgetla maungo. Bana ba diphologolo ba simolola go nna matlhagatlhaga.

Mo mafelong a mantsi pula e a na mme go na le tsa matlakadibe le dikgadima.

Tlhaga, dikhi le ditshese di nna dikima e bile di nna dileele.





## Letlhhabula

Diphologolo dingwe di bayo dijo tsa  
tsona fa di ipaakanyetsa go  
robala mo marigeng.


Matlhare a ditlhare a simolola go  
nna serolwana, tshetlha,  
khibidu le mmala wa namune.



## Mariga

Diphologolo dingwe di robala mariga  
otlhe. Re re di iphitlha ka  
fa tlase ga mmu.

Di nna bothitho gonne matlalo  
a tsona a nna makima.



A re kwaleng

Diphologolo dingwe di dira eng mariga otlhe? \_\_\_\_\_

Diphologolo tse dingwe di itshireletsa jang kgatlhanong le serame? \_\_\_\_\_

Dinonyane di boela leng kwa mafatsheng a a bothithwana mme di simolole go  
aga dintlhaga leng? \_\_\_\_\_



# Go jwala nawa



## O tlhoka

- Dinawa di le 5 • Porinki
- Letseta • Metsi



## O tshwanetse go dira eng?

Baya dinawa mo letseteng mo porinking.



Di tshole di le metsi. Baya porinki mo bankeng ya lethhabaphefo  
mo leseding la letsatsi.


Lebelela nawa sebaka sa dibeke tse pedi. Bona gore e tlhoga jang.



Lebelela setshwantsho sa sejwalo se sa nawa.

Fa sejwalo sa gago se ntse jaana, o tlatse letlha.

Letlha	Letlha	Letlha	Letlha



A re direng

Dira motshameko ka ga phologolo.

O ka bontsha bera kgotsa mosha a kgobokanya le go boloka dijo go direga mariga.



A re tsamayeng

Relela fa fatshe jaaka noga e batla lefelo  
le le siameng la go iphitlha.



Fofajaaka peolwane e  
ya kwa lefelong le le  
bothithwana.



Teacher:
Sign:
Date:

# 23 Diphologolo tsa polasa

Kgweeditharo 2 – Beké 4 – Papetlanatiro



A re bueng

Lebelela setshwantsho mme o bue ka ga diphologolo tse di farologaneng tsa polasa tse o di bonang. Ke phologolo efe e o e ratang? Re bona eng go tsawa mo phologolong nngwe le nngwe ya tse?





A re kwaleng

Tlatsa dikarabo tse di nepagetseng mo ditheiboleng tse.

Re go diretse ya ntlha.

	Monna	Phelefу
	Mosadi	Nku
	Lesea	Konyana
	Modumo	Mmee
	Ntlo	Lesaka

	Monna	
	Mosadi	
	Lesea	
	Modumo	
	Ntlo	

	Monna	
	Mosadi	
	Lesea	
	Modumo	
	Ntlo	


	Monna	
	Mosadi	
	Lesea	
	Modumo	
	Ntlo	





# Mo polaseng

A re bueng



Pidipidi kwaa, kwaa!

Ga e na meno kwaa, kwaa!

E phela ka motogo kwaa, kwaa!

Pidipidi kwaa, kwaa!

Ga e na meno kwaa, kwaa!

E phela ka motogo kwaa,  
kwaa!





A re bueng

Tswelela ka go opela pina. Emisetsa mela e e buang ka ga  
pidipidi ka e e buang ka ga diphologolo tse.



Mme mo polaseng o ne  
a na le dintšwa.



Mme mo polaseng o ne  
a na le dikgogo.



Mme mo polaseng o ne  
a na le dipitse.



A re ikatiseng

- Tsamaya mo godimo ga kota ntle le go wa.
- Latlhela bolo mo moweng mme o e kape ntle le go wa.
- Morago o kwakwante jaaka pitse.
- Khukhutha jaaka pidipidi.
- Tsamaya jaaka setshamekisi sa roboto.




# 25 Diphologolo tse di tlhaga



A re buiseng




Ditau ke losika loo katse. Tau e bonwa jaaka kgosi ya diphologolo. Di tsoma le go bolaya diphologolo di tshwana le diphoti le dipitse tse ditilodi. Ditau tsa tshadi ke tsona thata di tsomang. Di tsoma bosigo ka digopa kana ditlhophha. Ditau di rata go tshela mo masimong a a bulegileng a tlhaga. Ditau di kgonago rorela kwa godimo thata.



Ditlou ke diamusi tse dikgolo thata mo lefatsheng. Di aga di le mo kotsing gonne magodu a diphologolo a di tsomela manaka a tsona letsatsi le letsatsi. Ditlou di gola botshelo jwa tsona jotlhe. Ditlou di dirisa dilopo tsa tsona go tsenya medi, maungo le metsi mo molomong. Di ja go fitlha dikilogeramo di le 200 tsa dijo ka letsatsi gape di nwa dilitara tsa metsi di le 190.



Go na le mefuta e mebedi ya ditshukudu – e leng, tshukudu e ntsho le tshukudu e tshweu. Ditshukudu ga di bone sentle, mme di na le serwekutlo se se maatla sa go nkgelela. Ditshukudu di dikgolo mme di bega dikilogeramo di ka nna 2 500. Gantsi magodu a tsomela ditshukudu manaka a tsona. Re tshwanetse go sireletsa ditshukudu kgatlhanong le babolai ba ba di bolaelang manaka a tsona.



Lengau le le godileng le kgonago gola boleele jwa dimmitara di le 2. Letlalo la lona le bosetlhanyana ka maronthorontho a mantsho a tshekeletsa. Lengau le kgonago palama ditlhare e bile ga le na mathata a go tsoma mo ditlhareng.



Dinare di tshela ka ditlhophha. Fa go le kotsi, dinare tsa ditshegadi le mabotlana a tsona di tsena mo gare ga motlhape mme di dikaganyediwa ke dipoo go di sireletsa. Dinare dingwe di kgonago go golela kwa godimo go fitlha dimmitara di le 1,7.



# 26 Diphologolo di iphitlha jang

Kgwenditharo 2 - Beko 5 - Papetlanatiro



A re buiseng



Methaladi ya dipitse tse ditilodi di dira gore go nne thata go di bona mo sekgweng.

Diphologolo dingwe di itshireletsa ka go fetola mokgwa oo di lebegang ka ona go tsamaelana le tikologo e di leng mo go yona.

Maobu a kgon a go fetola mmala go tsamaelana le ditlhare tse di di palamang.

Matlalo kgotsa diphofa tsa diphologolo tse dingwe di fetolwa ka mokgwa oo go nnang bothata go di lemoga le go di bona.

Se re se bitsa maano a ipabalelo –khamafolaše-

A o ke o akanye ka ga diphologolo tse di dirisang maano a ipabalelo.



Boithabiso

Morutabana wa gago o tlao go bontsha ka moo o tshwanetseng go tshameka ditulo tsa mmino ka teng.





A re direng

Thala phologolo e e tlhaga. Morago o bolelele tsala ya gago ka moo  
phologolo e e dirisang maano a ipabalelo ka teng gore e se ka ya bonwa.





# 27 Diphologolo tsa metsi

A re direng

Feleletsa setshwantsho ka go tsenya ditshwantsho kgotsa dithalo tsa diphologolo tse di nnang mo nokeng.

Kgwenditharo 2 – Beké b – Papetlanatiro



# Dibopiwa tsa botennye jwa metsi




28




A re opeleng

A re lebeleleng diphologolo tsotlhhe tse di farologaneng tse di tshelang mo  
metsing a a letswai.



Gape go na le diphologolo tse dinnye tse di tshelang mo dipbulung tsa matlapa  
tse di seng boteng.



Teacher:
Sign:
Date:

# 29 Botaki jwa diphologolo



A re opeleng

Bua ka ga diphologolo tsotlhhe tsa  
lewatle tse di mo ditshwantshong tse.


- Ke dife tsa diphologolo tse tsa lewatle tse di jewang ke batho?
- Ke diphologolo dife tsa lewatle tse di kotsi?
- Mmele wa tlhapi o phuthilwe le go sirelediwa ka eng?
- O akanya gore go ya go diragala eng fa lewatle le leswefala ka ntlha ya matlakala kgotsa ka maswe a a botlhole?
- Ke mekgwa efe e e farologaneng e lewatle le kgonang go leswefala ka yona?



A re kwaleng


Kwala maina a diphologolo tse o ka di akanyang tse di tshelang mo dinokeng,  
mo matamong kgotsa mo mawatleng mo dikholomong tse tharo tsa theibole.

Noka	Lewatle	Letamo





A re direng Itirele tanka ya gago ya ditlhapi.

- Penta bogare jwa lebokoso la ditlhako ka botala jwa legodimo mme o le retolole ka mo gare.
- Morago sega tlhapi go tswa kwa morago ga buka.
- Kgomaretsa tlhapi kwa godimo ga lebokoso ka leleme le mogala.



A re tsamayeng

- Fofa jaaka nonyane ka lebelo le le bonako le le bonya.
- Khukhutha jaaka phenkwine.
- Fofa jaaka notshe.
- Tsamaya jaaka kankarapa.
- Thuma jaaka tlhapi.
- Tlolatlola jaaka segwagwa.
- Tshameka sala-moeteledipele-morago.
- Tshameka katse-le-legotlo/peba.





# Diphologolo tse di sikarang dintlo tsa tsona



A re buiseng



A o ne o itse? Ke tsena sentle mo kgapeng ya me, mme ga e ke e nna nnye mo go nna.

## Khudu

Khudu ke segagabi sa maoto a mane a a makakaba ka molala le tlhogo tse di matsutsuba. E tsamaya ka iketlo e sikere ntlo ya yona ya kgapa.

Di nna kwa kae?



A re kwaleng

Araba dipotso tse ka ga khudu e e tshelang mo lefatsheng.

A kgapa ya khudu e popota kgotsa e boleta? \_\_\_\_\_

Kgapa ya khudu e e sireletsa kgatlhanong le eng? \_\_\_\_\_

Khudu e dira eng fa e tshogile? \_\_\_\_\_

Dikhudu di ja dijo dife? \_\_\_\_\_

# Leitlho


Lebelela kgapa  
le kgopa.

Dinakana tse  
dileele

Dinakana tse  
dikhutshwane

Leitlho

Kgapa




Kgopa e tsamaya jang?




A o setse o kile wa bona kgapa ya kgopa e e lolea? O akanya gore go diragetse eng ka ga kgopa?


Dikgapa tsa dikgopa di mmala o o ntseng jang?

Ke goreng o akanya gore dikgopa di na le dikgapa?



O akanya gore ke tshela kwa kae? Kwala fa thoko ga setshwantsho sa me,  
gore a ke ka aga ntlo ya me mo **setlhareng, fa fatshe kgotsa mo metsing**.





A re direng


# Diphologolo tse di ikagelang dintlo

Golaganya ditshwantsho tsa diphologolo tse le ditshwantsho tsa dintlo tsa tsona.



A re buiseng

## Dinotshe



Dinotshe di tshela mo diphagong.

Di aga diphago tsa tsona ka mamepe.

Di boloka dijo tsa tsona mo diphagong.

# Ditshoswane

Ditshoswane di aga mefuta e e farologaneng ya dintlo mo tikologong ya tsona. Tshoswane e nnye e kgon a go sikara selo se se fetang bokete jwa yona gane. Ditshoswane di a buisana. Di a tsibosana fa go na le kotsi, gape di bolelelana gore di ka bona dijo kae.



A re kwaleng

Ke eng o akanya gore ditshoswane di ikagela dintlo?

---

Mmaba wa tshoswane ke eng?

---

Ditshoswane di dirisa eng go ikagela dintlo?

---



A re buiseng

## Dinonyane

Dinonyane di aga dintlhaga jaaka dintlo le go nna le lefelo la go beela mae. Bogolo jwa sentlhaga bo laolwa ke bogolo jwa nonyane. Dinonyane di dirisa eng go aga dintlhaga tsa tsona?

Ke phologolo efe e e leng mmaba wa nonyane?

---



Thanodi ya me

A

a

B

b

C

c

D

d

E

e

F

f

G

g

H

h

I

i

J

j

K

k

L

l

M

m

N

n

O

o

P

p

Q

q

R

r

S

s

T

t

U

u

V

v

W

w

X-Z

x-z

